

կան տերմինները: Այդ երևույթը բացատրվում էր նրանով, որ արդեն Աթեն-մենյան տիրապետության դարաշրջանում և մանավանդ Արշակունյան արքայա-կան տան կառավարության ժամանակներում զրադաշտական կրոնն իր ազ-դեցությամբ գերակշռող է եղել և կանխորոշել է տիրող դասակարգի և մա-սամբ լայն ժողովրդական զանգվածների մտածողության ուղղությունը: Սա-կայն հայկական հեթանոսական կրոնն այնչափ էական շեղումներ է պարու-նակում զրադաշտականից, որ նրա ձևավորման սկզբնավորության և զար-գացման հաջորդ ընթացքի մեջ որոնել է տալիս մի այլ, պարսկական հողի վրա մշակված աշխարհայացքից տարբեր աղբյուր, որը շատ ավելի վճռական դեր է խաղացել հայ հեթանոսական կրոնի ձևավորման մեջ: Այսպես՝ այդ շեղումների մեջ նախ և առաջ աչքի է ընկնում այն հանգամանքը, որ հայկա-կան հեթանոսական կրոնի մեջ բացակայում է զրադաշտական մտածողության ամենաէական առանձնահատկությունը՝ ստեղծագործող և ավերիչ ուժերի, լույսի և խավարի, պտղաբերության և չորության, սուրբի և պիղծի հակա-դրույթունը, և Արամազդ-Օրմուզդին (Ահուրամազդային) չի հակադրվում Ան-րիմանը-Անդրոմանին: Գրեթե բացակայում է դուալիզմը՝ կրկնաստվածու-թյունը, որը շատ շնչին շափերով է նշմարվում ժողովրդական սովորություն-ների և նամանավանդ տոների հետ զուգորդված մագիկ՝ ծեսերի մեջ: Հայ-կականում ուժեղ է շեշտված աստվածությունների ազգակցությունն և արյու-նակցական մերձավորությունը, մի բան, որ գրեթե չի դրսևորված պարսկա-կան դիցաբանության մեջ: Հայկական մտածողության համար աստվածները կազմում էին մեկ ընտանիք: Այդտեղ մեկը ամուսին էր, մյուսը կին, մեկը հայր կամ մայր, մյուսը զավակ, մեկը քույր, մյուսը եղբայր: Հավատալիքների մեջ յայսպիսով անզրադարձել է այն ազգակցական արյունակցական կապերի զորությունը, որոնք այնքան բնորոշ էին և մինչև վերջին ժամանակներս պահ-պանում էին իրենց ոեալ նշանակությունը հայկական հասարակական կյանքի մեջ: Զրադաշտական մտածելակերպից շեղումները հայկականի մեջ այնքան խորն էին և բազմակողմանի, որ նրանց վերլուծությունը բերում է ինձ այն նզրակացությունը, որ հայկական հեթանոսական աշխարհայացքի մեջ երևան է գալիս հիմնական մերձավոր առնչությունը ոչ թե պարսկական զրադաշտա-կան, այլ փոքրասիական ըմբռնումների հետ, որտեղ սիստեմի է վերածվել ոչ թե արարիչ և կործանիչ ուժերի մշտական մրցումն ու հակադրությունը, այլ կյանքի և մահվան կրկնվող հաջորդականությունը, որտեղ կենդանություն տվող և ինքն էլ կենդանի աստվածությունը մեռնում է և իր մահով սկիզբ է տալիս նոր կյանքին: Այդ մեռնող և հարություն առնող ուժի պաշտամունքը լայն տարածված է եղել հայկականին կից արևմտյան միջերկրածովյան եր-կրրներում զանազան աստվածությունների պատկերավորումներով ձևավոր-ված: Այսպիսի աստվածություններ էին հյուսիսային Միջագետքում՝ Թամուզը, Ասորիքում և Փյունիկիայում՝ Ադոնիսը, Փոյուզիայում՝ Աստիսը, Եգիպտոսում՝ Օզիրիսը: Դա բուսական աշխարհի ամեն տարի մեռնելու և վերստին վերա-կենդանանալու օրինաչափությունն է: Առանձնապես գրավելով ժողովրդի ուշադրությունը, նա դարձել էր նրա աշխարհամեկնման հիմնական աղբյուր այն երկրներում, որտեղ տնտեսությունն ամենանախնական ժամանակներից ուժգին կերպով հիմնված էր եղել առավելապես պտղատու ծառերի բուծման և առհասարակ բուսական աշխարհի աշնանային մահվան և գարնանային գա-

¹ Մոզական: